



Radunonza da primavera

dils 3 da matg 2012 allas 20:00-21:35 en casa da scola a Vuorz

Suprastonza

Rita Killias-Cantieni, presidenta
Marco Tschuor, actuar
Gieri Casanova, cassier
Benjamin Janki, cau da tgira
Bruno Cadonau jun., responsabel da tir

Presents: 33
Perstgisas: 14
Absolut pli: 17

Tractandas

1. Beinvegni ed elecziun da dus dumbravuschs
2. Approbaziun dalla gliesta da tractandas
3. Approbaziun dil protocol dalla radunonza generala dils 08-12-2011 a Siat
4. Orientaziun catscha 2011
5. Prender conclus arisguard las propostas inoltradas per mauns dalla radunonza da delegai a Schiers/Aschera (mira BJ no. 4 2012)
6. Survetsch divin campester a Munt s. Gieri
7. Tir intern
8. Pupi da correspundenza cun logo dalla secziun
9. Recepziun novs commembers e mutaziuns
10. Varia

Tractandas/Conclus/Discussiun etc.	Responsabel
<p>Beinvegni entras la presidenta: Rita Killias-Cantieni fa a tut ils presents in cordial beinvegni.</p> <p>1. Elecziun da dus dumbravuschs Per igl appel cursescha ina gliesta. Presents total ein 33 Sco dumbravuschs vegnan elegi: Bruno Cadonau e Daniel Hunger</p>	R. Killias
<p>2. Approbaziun dalla gliesta da tractandas La gliesta da tractandas vegn approbada unanimamein.</p>	R. Killias
<p>3. Approbaziun dil protocol dalla radunonza generala dils 08-12-2011 a Siat Il protocol vegn approbaus unanimamein.</p>	M. Tschuor
<p>4. Orientaziun catscha 2011 A caschun dalla radunonza da presidents a Tusaun (Ignaz, Gion Fidel ed jeu) e dalla regiunala a Glion (Elias, Gion Fidel ed jeu), essan nus vegni informai sur dalla catscha 2011. Il rapport detagliau sur dalla catscha 2011 ei publicaus en tuts detagls sin las paginas d'internet sut Amt für Jagd und Fischerei GR e sin quella dil BKPJV. Els rapports sur dalla catscha 2011 havein nus udiu :</p> <p>Ch'ei hagi duvrau era uonn ina catscha d'atun per sminuir il diember da vadials, vaccas e cavreuls. Perencunter munti il diember da taur sittai duront catscha d'atun a strusch 1% e quels ein vegni sittai principalmein entuorn il Parc naziunal.</p> <p>Duront la catscha 2011 ei vegniu sittau massiv dapli taur che vaccas. Denter quels era 23 taur cun cruna dad omisduas varts e 12 cun cruna d'ina vart e quei duront ils dis lubi.</p>	R. Killias

Denter 50 – 100 tauras dalla vegliadetgna media vegnan sittai ils davos dis da catscha. En tut ei vegniu sittau 186 tauras dapli che planisau.

Tscharvas catsch'aulta 2011

3'686 (2'119 m. e 1'567 f.)

Egl areal 2.2 (Rueun /Glion) ei vegniu sittau 126 tauras e 130 vaccas, pia dapli vaccas che tauras. E tuttina eis ei stau necessari da far la catscha d'atun. En Lumnezia per encunter ei vegniu sittau 87 tauras e 58 vaccas. Leu ha ei dau negina catscha d'atun. Persuenter ein gruppas dalla Lumnezia vegnidadas tier nus a catscha supplementara e che quei ha dau empau malaveta ei capeivel. Forsa fuss ei bien d'anflar cheu ina meglia soluziun.

Tier la catscha da cavreuls ei vegniu registrau in augment da preda era perquei che quella ha cuzzau 4 dis pli ditg. Ei ha era giu dapli cavreuls surtut cavreuls giuvens.

Per l'emprema ga ha la catscha d'atun sin cavreuls giu liug in'jamna avon che quella sin tscharvas.

Cavreuls catsch'aulta 2011

2'715 (1'726 m. e 989 f.)

Tier ils camutschs corrispundan ils animals sittai al nivel avisau entras las restricziuns dapi 2009. Uonn ha ei denton dau dis ch'ei buca stai adattai per la catscha sin camutschs. Surtut suenter la pausa da catscha e la gronda nevada. Quei ch'ei da remarcar ei ch'il diember da camutschs ei sesminuius. La catscha sin camutschs giuvens d'in onn sto vegnir observada vinavon, pertgei igl ei buca sclaus che la catscha sin quella classa sa esser damemia en certas regiuns. Quei ch'ei aunc da remarcar cheu ei l'influenza da differents facturs negativs sils camutschs entras disturbis, malsognas, concorrenza entras auters animals, clima, neiv e.a.v.

Cheu less jeu aunc aschuntar zacons cavazzins ord il referat da dr. Peter Meile sur dalla biologia ed ecologia dils camutschs, tenius a Tusaun. Denter auter ha el detg che l'alpegiazium da nuorsas sappi surportar numerusas malsognas sin ils camutschs. Parasits, tschoccadad, rugna etc.. Il temps da serevegnir suenter malsogna seigi 10 onns. La tschoccadad pertucca surtut las cauras. El Tirol dil sid (Alta Badia) ha la rugna raffau naven 80 % dils camutschs.

Camutschs catsch'aulta 2011

2'779 (1'389 m. e 1'390 f.)

Naven dil zercladur 2011 entochen ils 24-4-2012 ein ils suandonts animals i alla malura :

Egl areal 2.2 : tscharvas 89 / cavreuls 203 / camutschs 60 / capricorns 5. Da remarcar ei che ina certa mortalitad ei naturala. En cumparegliazium culs onns 1998 e 2008 ha ei raffau naven surtut animals pli fleivels, vegls e giuvens.

Ina gronda part animals vegnan sdernai d'autos ni vegnan sut il tren. Fetg bien success han ins giu ella Cadi cun la zona da ruaus temporara, els loghens d'unviern dalla selvaschina sin la spunda sut Schlans. Igl ei aunc adina aschia che igl ir ad encurir corna la primavera, duront ch'ils animals ein fleivels e ston saver economisar lur pintgas reservas, fa fetg grond donn e gest nus catschadurs havein cheu il pensum e l'obligaziun dad ir ordavon cul bien exempel e desister da disturbar la selvaschina gest en quei temps.

Ils 18 d'avrel ha la dumbraziun da tscharvas giu liug. Muort la neiv els loghens umbrivauns, ein las tscharvas stadas plitost pli a bass. La dumbraziun el district da catscha 2 muossa il sequent resultat :

939 tscharvas

<p>424 cavreuls 128 lieurs 50 uolps 17 tais</p> <p>Andiast/Pigniu/Siat/Rueun/Vuorz (Daniel Hunger) :</p> <p>285 tscharvas 33 cavreuls 19 lieurs 10 uolps 5 tais 2 camutschs</p>	
<p>5. Prender conclus arisguard las propostas inoltradas per mauns dalla radunonza da delegai a Schiers/Aschera (mira BJ no. 4 2012, pagina 10-15)</p> <p>5. GIE (2 na) 9.1 GIE 9.2 GIE 9.3 NA 9.4 GIE (3 na) 9.5 NA (6 gie) 9.6 NA 10. GIE</p>	R. Killias
<p>6. Survetsch divin campester a Munt s. Gieri Il termin vegn fixaus sin ils 26 d'uost 2012.</p>	R. Killias
<p>7. Tir intern Ils termins vegnan fixai sco suonda: 9 d'uost 2012 (exercezi) 11 d'uost 2012 (tir intern)</p> <p>La suprastonza mett'avon alla radunonza da dar la pusseivladad da sittar il tir intern cun caliber 10.3 sco era caliber 222 (gp11). Gion Fidel Spescha ei dil meini ch'ei seigi negin problem da sittar cun caliber 222.</p> <p>Ei vegn votau giu unanimamein ch'ins astga era sittar il tir intern cun caliber 222.</p> <p>Ei vegn tschentau la damonda co ei seigi pertuccont il cedel verd (mussament ch'ins ha sittau en la buis). Remo Veraguth, Gion Giacun Spescha, Ursin Casanova e Clemens Cavigelli ein dil meini che quei seigi negina caussa. Il catschadur ha da confirmar il haver sittau en la buis cun sia suttascripziun.</p> <p>Gieri Casanova menziuna che la secziun Bostg vegn a dar giu a tals che han sittau il tir intern ni il trenament cun caliber 222 il cedel verd senza il bul dalla secziun Bostg.</p>	R. Killias
<p>8. Pupi da corrispondenza cun logo dalla secziun Ozildi eis ei usit ch'ina uniun se presenta era anoviars empau tschec. Suenten in discuors en suprastonza hai jeu surpriu l'incarica da trer en in'offerta per pupi da corrispondenza cun logo dalla secziun. Jeu hai dumandau Armin Spescha da far ina proposta cun in'offerta per pupi e cuviartas cun logo.</p> <p>El ha surpriu il logo che nus havevan schau far per la fiasta da 25 onns Bostg e fatg in'offerta che vesa ora sco suonda :</p>	R. Killias

<p>1'000 ex. (pupi da corrispondenza) frs. 245.00 1'000 ex. (cuvartas) frs. 259.00</p> <p>Gion Fidel Spescha ei dil meini che quei seigi in buna idea. El damonda daco ch'ins ha buca priu il logo actual dalla secziun Bostg. Rita Killias gi ch'il logo seigi buca pli fetg actuals. In auter motiv ei era ch'il logo dalla fiasta da 25 onns ei gia avon maun en fuorma digitala, aschia ch'ei vegn pli bien marcau.</p> <p>Ei vegn votau giu da schar stampar pupi e cuviartas da corrispondenza.</p>									
<p>9. Recepziun novs commembers e mutaziuns</p> <p><u>Intradas A</u> Pius Aellig John Cavigelli Enrico Veraguth</p> <p><u>Intradas B</u> Andrea Accola Erhard Accola</p> <p><u>Candidats</u> Iago Dacal Gian Luca Dermont Jürgen Harms Vanessa Veraguth</p> <p><u>Stan actual</u></p> <table data-bbox="183 1041 558 1182"> <tr> <td>Commembers A</td> <td>86</td> </tr> <tr> <td>Commembers B</td> <td>13</td> </tr> <tr> <td>Candidats</td> <td>4</td> </tr> <tr> <td>Total</td> <td>103</td> </tr> </table>	Commembers A	86	Commembers B	13	Candidats	4	Total	103	M. Tschuor
Commembers A	86								
Commembers B	13								
Candidats	4								
Total	103								
<p>10. Varia</p> <p>Rita dat vinavon las suandontas informaziuns:</p> <p>Robert Brunold seretrai sin l'auter onn sco president dallas secziuns 1 e 2 dalla Surselva. El vegn a star vinavon ella suprastanza gronda dil BKPJV.</p> <p>Sin giavisch dalla vischnaunca da Ruschein ein Christian Buchli, ing. forestal regional e las vischnaucas da Ladir, Schnaus e Siat sentupadas cun Gieri Derungs, Paulin Tschuor ed Urban Maissen per discutir la situaziun da construir sezs sin plontas, erreger tegias da laghetg e tagliar ora caglias e plontas per largias da sittar. A caschun da quella sentupada han els elavurau ina directiva per la vischnaunca da Ruschein. Sgr. Buchli ha tarmess a mi quella per informaziun.</p> <p>Partenent il Grischa-trail, previus ils 17 e 18 da settember havein nus saviu leger oz en LQ ch'ina gruppa da pertuccai seigi sentupada cun ils organisateurs per far attents sin la problematica da quella cuorsa ed anflar soluziuns che pon satisfar als differents interess. Nies surveglader, Daniel Hunger sa dapli en caussa.</p> <p>Daniel Hunger informescha ch'igl Arnold Caminada e Werner Degonda han priu part ad ina seduta cun ils organisateurs dil Grischa-trail. A Con ault vegn la ruta midada aschia ch'ei seigi negin disturbi. Medemamein astga negin participont ir a trenar durant il meins settember.</p> <p>Daniel Hunger dat aunc vinavon las cefras dallas dumbraziuns da camutschs e cavreuls.</p> <p>Dumbraziun da camutschs (unviern) 172 (32 bucs, 71 cauras, 18 stargels, 39 anseuls e 12 ch'ins ha buca propi saviu</p>	R. Killias								

erruir)

Dumbraziun da cavreuls (territori d'Andiast)
23 (3 bucs, 8 cauras e 12 anseuls)

Roland Vincenz damonda pertuccont la tgira vid la seiv giu Pardiala. Daniel Hunger informescha ch'ei seigi en lavur.

Daniel Hunger gi, ch'ei fuss flott sch'ins vesa cavreuls che han gest fatg ansiel da prender e dar part ad el. Aschia sa el prender e marcar in ni l'auter.

Rita siara la radunonza ed envida tut ils presents sin cuost dalla secziun Bostg tier in sitg ell'ustria sulegl.

Rueun, ils 11 da matg 2012

igl actuar

Marco Tschuor